

徂徠集

詩

自六
至七

柳田文庫

文庫11

A1126

4



文庫 11
A 1126
4

徂徠集卷之六

詩

七言絕句八首七首

次韻岡孝祖新年作

都下春風吹酒壺。蹋歌蹋鞠日堪娛。誰如十五名家子。開口自稱千里駒。

奉和琴鶴侯上日瑤韻

朝天曙入彩雲寒。三殿深沈雪未乾。但使春風吹五馬。不論昔日是何官。

且來集

卷之六

物蔭卿著

柳田泉文庫

奉和樂壽君侯早春高作賦落梅花
張宴梅花古樹東。泛觴美酒映春濃。忽憺片片隨風去。吹入誰家玉笛中。

洞雲老禪覓夢富山詩

莫謂禪師狂好奇。徧求夢見富山詩。千秋人賞千秋色。可知覺時是夢時。

留春館小集同賦莫愁樂

乘月雙漿下石頭。樓臺如畫是揚州。十三十四當壚女。不識阿誰字莫愁。

答備州故人鞞浦看月見寄

備西城上落秋風。雙鯉方驚下碧空。羨爾絃歌舟裡曲。及看明月映丹楓。

送人謫薩州

漫漫滄海迫門開。逐客扁舟風雨哀。從是千秋誰事業。堪憐諫獵不群才。

故人在長門今年未歸

江東昨夜子規飛。五月堪悲人未歸。回首赤間雲萬里。空看夏樹照斜輝。

同孤山遊蓮光精舍分韻

竹院鶯啼白日閑。寥寥一似沃州山。相逢只得稱支

許不厭來還醉夢間。

鶴林斜日此經過。篆影茶烟幽趣多。談罷欲眠風榻上。不知身世在娑婆。

元是狂言綺語人。誦經念佛竟何因。時緣玉版參禪味。得與東坡作後身。

李白觀瀑圖

匡廬瀑布三千尺。李白題詩映紫烟。知是騎鯨從此去。至今山色似青蓮。

送人之備前州

錦帆歌吹去何之。黃備山頭月似眉。知為州人題范

蠶木蘭舟裡著西施。

美濃國人七十覓詩

憶昔濃陽養老年。皇家孝思上通天。醴泉如醴君能飲。今壽七十到八十。

奉和琴鶴君侯中秋無月高韻

簾垂桂濕夜涼侵。銀燭含情誰與吟。自是駕虹人不返。霓裳隱隱鎖秋陰。

棲處

絕句二首寄智通尊者尊者隱西山中書王故
京城西望鬱嵯峨。拄笏千官不肯過。誰道兔裘成賦

後。近來爽氣爲君多。
京洛人來每問君。西山遙映望難分。祇知尊者焚香處。落日氤氳結作雲。

子徹寄絹求予書舊時詩其詩逸矣復求文對文變二書亦已焚草因作二絕題上

避暑逃人竹樹林。祇知散帙網絲深。新涼掃榻還料理。吹落秋風不可尋。

洛陽才子遠相求。卧病文園經幾秋。縱及相如猶未死。封禪寧向世間留。

奉和丹侯之國途中作四首

五馬驕嘶競上程。迢迢百里似砥平。笙箏感粟高聲散。幾客相逢能不驚。

雨天農桑綠滿疇。褰帷到處若爲愁。料知身作公侯貴。能耐瞻雲回首不。

高蓋光輝驛路頭。風塵孰與共悠悠。山回樹隔前驅過。遙指綵雲迎日浮。

到處笙歌人悉羨。離家尚道憶家頻。須知負弩三千客。幾箇南望不濕巾。

蓮光寺即興和吉生

祇林秋色幾回游。詩酒因君此最幽。謾說虎溪今更

醉遲遲能學淵明不。

又和主人

寶樹陰陰隔世塵。維摩來此是誰賓。醉拋麈尾臥何妨。且詫無言轉法輪。

美人中酒

曾詫阿真嬌欲仙。教看此態更堪憐。何須徐整雲鬟後。纔說海棠眠未圓。

美人分香

春徑採香西日曛。館娃宮畔女如雲。譁然爭惜宜男草。插在中懷不肖分。

妾薄命

顏色未曾知至尊。長將聲技奉陵園。還疑銅雀君王意。不道分香不是恩。

岡崎侯陞西京留臺醫生東伯通從行詩以贈之
之二首

聞說長安多貴游。四時絃管帝王州。相逢倘問東方勝。海上芙蓉初日浮。

驕霜五馬氣翩翩。道是府公分陝年。此去憑君醫國手。春風合在棠梨邊。

江子徹已移居平安書來欲東者屢矣而不果

也絕句四章促之時予得猗蘭古曲

聞說琴尊辭故鄉。白雲秋色帝城傍。問君獨看長安月。何似鄒枚在大梁。

風流爾愛洛中居。織錦坊西一寄書。爲問天孫新泣月。近來花樣竟何如。

爲知流水似君稀。久拂朱絃理玉徽。儻問千秋吾道意。猗蘭一曲與誰歸。

似報布帆曾已懸。緣何書劍滯三年。子雲故愛侯芭酒。不但玄經待爾傳。

宮怨

不恨往時辭輦心。長門苔色歲年深。無端忽憶當熊處。鼓角聲遙遶上林。

游蘇迷分韻行字

城北看花乘晚晴。不堪吟罷坐吹笙。興酣何識遊人盡。又向彩雲深處行。

送香洲律師

忽辭奧北毛人家。謾說洛陽行看花。却識禪心無染着。烟霞隨意惹袈裟。

楊柳枝二首

十二樓臺瞰碧流。樓前楊柳照駝裘。那堪驀地春風

亂欲繫驂騮不自由。

門前楊柳著春烟。高拂欄干低拂船。不謂年年多拗折。只言去住總堪憐。

游傳通院

冏公幽迹本離羣。主第風流傍古墳。終聽鶯鳥聲無伴。故教笙吹遶春雲。

奉懷猗蘭藤侯

驂驪五馬照天涯。南國風流此一時。總怪名山雲氣異。磨崖新勒使君詩。

奉和猗蘭侯見懷二首

隋珠落紙擘春榮。知是梅花色不爭。携去柴門如白晝。已疑明月照三更。

漢臣侍從最恩榮。抗疏前朝意氣爭。今日郢中應寡和。自歌白雪到三更。

幾回玳席醉南榮。好客翩翩世莫爭。我愛侯家投轄意。任它人喚作三更。

春日君瑞叔潭潮師子和集分韻青字

城南草色欲青青。二月春風揚子亭。不是侯芭能載酒。至今寂寞太玄經。

和越君瑞韻

避人此處卽商顏。洗竹灌園事事閑。不妨裘羊時見訪。尋芝共問雨餘山。

次韻大潮上人春日見寄三絕

洞中垂柳靜春風。不繫五陵游子驄。何物袈裟來映好。世雄不是世間雄。

少年意氣賦三都。回首春雲渺大虛。何似啜茶脩竹裡。聽君朗誦竺乾書。

蜃氣海中吹作臺。層層帝網映波開。知師深夜窺春月。訝是衣珠爛爾來。

西臺侯席上作二首

名山如畫點微茫。五馬南州日眺望。知是接羅堪倒着。教人遙羨使君狂。

使君宴會日憑高。競爽千山賦筆勞。說起牛門何得似。援琴祇自寫松濤。

雪中呈潮尊者併柬石君聞尊者時在石家平臺彷彿昔時寒。獨自相如醉倚闌。爭似維摩方丈室。有人共作雪山看。

潮師石君偕賜高和再用前韻奉呈三首

梅花紛落雪花寒。二月園林春色闌。何物瓊瑤真作幻。更憑師向定中看。

右潮師

舫船棹罷不知寒。何處樓臺十二闌。知是銷金帳畔雪。蕭然今作雨花看。

右石生

尊者衣珠烟轉寒。徵君絲筆與何闌。總嫌春色須臾盡。雙壁聯翩投我看。

右併謝

下館藩臺有對梅。一絕謹同其韻。率成四首。

佳人寂寞倚東榮。瀟灑風標誰敢爭。獨有梅花堪鬪色。嫣然含笑對三更。

玉腕傾來琥珀香。漫誇公子愛清狂。不知珠履三千客。誰佩酒泉太守章。

春醪色似鬱金香。嘗罷誰能不發狂。莫怪馮生彈鋏起。曼聲忽斷却成章。

明日因前韻作呈西臺侯

懷裡深藏錦字香。回頭昨夜若為狂。不堪醒後相思甚。對月高歌窈窕章。

送赤川生西歸并簡次公

都下風流總是賢。君今底事倦游旋。同人最有名山志。却又周南滯幾年。

奉和猗蘭君侯韻

夏木草堂青黛天。開樽誰似使君賢。蘭臺賸有歌餘雪。相逐雄風入五絃。

謝鈴青蘭惠雉

遠勞下物墜雲間。醉殺堪歌雉子班。却憶君家妻小笑。雕弓日日如臯還。

次韻紫玉師見寄

道人惠我白雲篇。清似秋山晴後泉。爭奈泉流無已日。白雲來去不期年。

春宮怨

鸞鏡朝朝泣粉華。怪來六院忽喧嘩。笑它十歲新天子。解道阿嬌美似花。

餞潮上人席上和石默齋韻

蹣跚百衲且裴回。六月涼飈莫漫催。明日冷然飛錫去。望中只得白雲來。

同前分韻分字

落日映筵停白雲。離歌莫道不堪聞。假饒別後登高望。九點蒼茫何處分。

江子徹移居西山有詩求和和不可成又求扁字迺書翛然亭三字繫之以此

君道長安但苦閒。翛然一去向西山。西山日有烟霞
侶。携手采薇終不還。

同賦折楊柳城字

春風柳絮別京城。直置行人難做情。叵耐誰家將鳳
管。慇懃弄到折楊聲。

同前西字

酣歌今日莫教低。兄弟相酬意不迷。綰折垂楊歸去
盡。陽關只在渭城西。

同前生字

置酒郵亭送遠征。絃歌嘈雜變離聲。可憐柳絮吹皆
落。只得行人白髮生。

落。只得行人白髮生。

猗蘭君侯述職新。來是日儼集草堂分韻陽字
隔年五馬此傍徨。興發何嫌風雨狂。自識使君杯不
淺。座中依舊總高陽。

七月既望同人集焉。時子和甫就羈絆。不能即
來也。途值岡二。急探諸懷中。取一白扇授以致
語。善為我報諸君子。吾之所以代吾者是已。衆
聞之齊笑。狂奴故態哉。眎扇上有詩佳甚。願其
上官之後。未有一言以申賀者。因共次其韻為
贈云。

牛門詩酒值涼回。忽報相如讌趙臺。應喜連城十五
價。遙將明月座中來。

余五十也。五城左容翁惠詩。侑以三物。仙臺地
靈。故當有此風流人矣。不勝千里之思。併和其
近作。共四首酬之。豈謝云乎哉。

吉光片羽忽從風。謂是遙來丹穴東。十二樓深仙子
住。相思欲往路無窮。

右謝王元美墨蹟

誰探玉女洗頭盆。中有千絲白髮存。不知仙人憂底
事。將憂相送至護園。

右謝白石雲麪

七十二嶼吹毫遲。一生雲色逼幃幃。總訝蓬萊堪寫
贈。不知瀛海是盆池。

右謝自製松島圖

雨歇牛門石氣青。浩歌二日酒方醒。何來仙鶴鳴過
我。欲和餘音繞窈冥。

右謝壽詩

猗蘭侯東壁。文安集草堂。分得浮字時。適得中
華酒。哭呈玩。

春醪色逼黃鸝留。應妒諸君筆似流。千載謫仙路。鷺
茲

杓座中却合向誰浮。

小集東壁不來

吾黨佯狂總是賢。翩翩一似建安年。風流別有禰衡鼓。偏奏王侯何處筵。

春日陪西臺侯遊驪山分韻

高臺宴罷散珠蹄。才子多情醉欲迷。不惜櫻花飛作雨。行雲本在驪山西。

謝朴堂上人惠青玉笏

高僧贈我青玉笏。謂是玉皇案頭物。欲酬一語還自疑。五十年前都恍惚。

次韻稻子善作五首

天半蛾眉難可攀。千年積雪至今寒。西眺何限浮雲色。終是無人子細看。

天祿石渠元擅時。彫龍炙轂各爭奇。何知老子都無事。日日吹笙坐似箕。

漢室中興日月開。昇平四海豈無才。久聞西土文翁化。果爾相如自蜀來。

一片征帆度赤間。廣陵千里夜揚瀾。疑君起色遙相贈。月滿柴門不月關。

遶郭紫烟滄海流。啣盃落日望悠悠。君如有意芙蓉

色何惜吾家白雪樓。

歲暮諸君子見臨探字述懷

可堪衰白自相仍。悵望五城樓幾層。九轉丹成嘗未敢。枉教鷄犬踏雲騰。

豫侯訪著園席上分韻來字

日日臥游人自回。柴門一閉為誰開。尚餘壁上名山響。却引風流刺史來。

徂徠集卷之六

徂徠集卷之七

物茂卿著

詩

七言絕句一百十八首

奉訪琴鶴堂看櫻桃偶值有風不得縱觀聊作
侯家草樹自光輝。況是櫻桃花未稀。境似神仙還可恨。乘風欲作綵雲飛。

春日本法精藍偶作

遠公精舍聽啼鶯。酌酒還憐遺世情。若識廬山斯處。是何妨春日著淵明。

送蔚宗游函谷二首

平安大道直如絲。處處秋風征馬悲。君去吹笳函谷曉。何人不起故鄉思。

蓬萊仙子騎龍還。千歲長留玉笥山。笥裡白雲今猶在。君能持贈與吾看。

謝平子和惠甜瓜

嗟君輿疾訪林丘。落日論詩遂未休。自有滿籠青玉贈。風流更憶鄭瓜州。

從軍行得城字

黃雲霾日長安城。白羽紛紛募漢兵。聞道交河三萬

里。揮鞭直踏層冰行。

聞豫州雲州二使君訪集琴鶴堂互有唱酬披閱麗藻不勝歆羨率奉嗣響

聞說後園花盛開。翩翩裘馬集平臺。櫻桃偏許風流似。綵筆先搖鸚鵡盃。

是日諸子來集吟哦方盛。德夫子帥伯錫乃作樂相聒。子遷不忿。嘲以詩。則援毫答之。於是笙笛之聲遂停。故予從旁和其韻戲之。

管絃詞賦本齊名。逸興奇思相競生。豈意金聲忽擲地。一時彩鳳便停鳴。

初秋陪蘭臺宴奉次高韻是日涼甚肺病頓蘇
得非恩賜乎

鈞天廣樂此移懸。不雪將歌黃竹篇。縱是楚臺凄切
甚。雄風得似使君賢。

擬送人謫羽州三首

聞說東行千里艱。秋風纔到白河關。迢迢君更過關
去。朔雪紛紛滿羽山。

一別刀環那可期。東荒自古羽山悲。加餐儻有毛人
問。但道生逢堯舜時。

知爾聞笳塞上愁。寒雲遙暗故園秋。石弩拈矢黃毛
隊。冒雪時猶獵羽州。

季冬十九日。豫侯宴予猗蘭臺上。其夜雪矣。則
予稱詩曰。美人歌裏來也。侯迺賡韻。爭謂嵎湖

樓上物哉。越廿六日。侯再開宴。而予疾作不克
趨也。則至夜又雪矣。於是乎侯亦遂難於謙讓

耳。東壁傳示侯詩。調高而不可和乎。聊易絃成
一小歌。馳价送之。俾奏諸其臺上焉。爾乎。

君侯妙解弄瑤徽。許我陽春和者稀。請看猗蘭臺上
曲。果然白雪為誰飛。

東爽鳩子方

牛山無日不絃歌。世上空聞涕淚沱。君自爽鳩諳故
事。爽鳩之樂竟如何。

豫侯將之封河內。走李就予互換琵琶口。占一

絕奉呈

來換琵琶意可嘆。雙旌一去會顏難。儻生天際真人
想。兩地各抱明月看。

西臺左元錫溫雅士矣。當侯之見枉草堂也。元
錫携詩相示焉。則一時草草不遑酬答耳。今聞
其從侯西歸乎。迺有此和。

千騎從行向斗邊。知君何處倚龍淵。秋高紫氣雲間

起。正是西臺醉勝筵。

某人送彩牋求詩

朱絃玉軫每相携。一曲楚歌春日西。只擬彈成堪自
愛。何料君送錦箋題。

送奧僧大潮東歸

聞君歸去與誰遊。風雨蕭蕭五月秋。爲問富春山下
客。祇今猶自着羊裘。

畫梅

徒說江城吹笛愁。長看疎影照牀頭。向風忽念他鄉
客。欲折南枝不自由。

琴鶴君侯惠擊夫筆聊賦一絕奉謝

使君才氣本翩翩。惠我絲毫稱擊夫。何解病夫春更
嬾。晴窗臥寫白雲篇。

春日草堂小集諸君阻雨多不至分韻林字

世事參差阻盍簪。蕭條雨色暗春林。何人最看梅花
落。遙想牛門笛裏音。

春日草堂小集奉次豫州滕侯瑤韻

五馬新回桂水頭。携將明月照春浮。遂教歲歲金盃
畔。偏憶天河秋色流。
桂水天河皆侯
封境所接地

東都四時樂

東叡山頭花似氛。東叡山下雪紛紛。笙歌千隊齊聲
唱。那得暫時停白雲。

兩國橋邊動櫂歌。江風涼月木微波。怪來岸上人聲
寂。恰是扁舟仙女過。

秋滿品川十二欄。東方千騎簇銀鞍。清歌一闋人如
月。笑指滄波洗玉盤。

澄江風雪夜霏霏。一葉雙槳舟似飛。自是仙家酒偏
醉。無人能道剡溪歸。

奉和琴鶴君侯上日瑤韻

敞開鈴閣轟清晨。嘆息前朝侍從身。閣下長槍如

柳葉何曾雨露始尖新。

落梅花分韻思字

江梅爛熳著花時。江上佳人有所思。日暮還將橫笛奏。何知吹落幾枝悲。

送香禪師還奧

揭來紫氣映江關。一笑翩然復東還。謾道禪心無所着。白雲偏解遶名山。

寄富春

海外金華映十洲。羊裘穩坐木蘭舟。知君不是釣名客。日日猶應垂直鈎。

寄左子巖

海內風流總競雄。誰如好事左空翁。贈吾一幅瀛洲畫。恍若二年在奧中。

鎮西教授竹君。損軒先生高第也。予自少小。欽先生之名。藉甚懷中矣。是歲君訪予草堂。贈以三絕。規行矩步。宛爾典刑。因酬來美。兼寓執鞭之思。

一操瑤琴休便休。長安車馬總悠悠。怪來大海西千里。能識芙蓉白雪秋。

武陵此處欲迷津。君自當年黃道真。儻值秦人勞問

訊桃花豈異世間春。

曾思彼美望西方。明月佩環雲錦裳。縹緲于今蓬島外。從君欲問返魂香。

和墨君微留別韻却寄二首

帆影如雲蔽海流。岸頭離席盡豪游。羨看揮手遙相謝。身在使君青翰舟。

鳳飛海上不覓青梧。彩羽乘風落日孤。不是鸚鵡遊戲處。長鳴時復憶蓬壺。

為想風流白接離。君家便是習家池。似聞太守時相過。應唱并州酒客詞。

奉餞猗蘭侯分韻人字時東壁已故矣

竹林大道接車塵。相送何辭酒態新。君看去年銜盃者。已是山陽笛裏人。

雪中謝木蘭臯惠琉球酒

道是天南貢餼餘。一壺分惠病相如。憑君忽憶金莖露。恰值梁園飛雪初。

示春菴生

我無九醞酌宜城。有客來通春是名。何妨相迎都不語。援笙只得作鷓鴣鳴。

秦君熙載千里見訪俄爾告別作三絕戲之

徐福千年採藥來。子孫應抱先秦才。還從紫氣函關外。見我牛門信宿迴。

秦女窓前烏欲棲。來時州色已萋萋。相逢把酒茅堂夕。怪爾回頭春月西。

君家窓裡女懷春。桂葉垂垂桂水濱。不爾千年秦氏子。看花寧作武陵人。

琴鶴君侯寄示登樓看月作陽春白雪和實難哉漫成一闋未知孰優併錄以呈

樓臺十二玉闌干。昔時霓裳映月寒。此曲今宵彈不起。抱琴深坐爲誰看。

桂花亂墜繞闌干。桂影婆娑女月裡寒。憶得十年金闕宴。嫦娥無恙獨相看。

早春小集華字

高陽酒客醉相誇。急管繁絃競歲華。不用慇懃和白雪。陽春只在楚人家。

奉餞西臺侯席上分韻啼字

離席管絃烏夜啼。何妨公子醉如泥。雙旌西去饒筵集。能得應劉到處携。

雨集分山字時子彬游湘中

寥寥今雨忽開關。濁酒相看堪破顏。獨有採芝人未

返南雲遙暗玉笥山。

次韻子彬馬上口號

朱門高闕北風寒。裘馬毳毼揚子干。縱有梅花寧可
問。只今江上是長安。

贈子帥之洛二首

憐爾看花去向秦。花時最是帝城春。青山周匝渾如
錦。欲醉祇應無故人。

君自北人堪弄筍。駿州一夜宿誰家。芙蓉峰頂千秋
雪。忽爾吹驚飛作花。

九月初一宿雨忽霽君瑞見訪遂作小集分韻

秋字

君嘗學琵琶中輟是日携赤
城游記相示盛以好樂見推

吾黨絃歌乘霽流。赤城山下白雲秋。憐君天際真人
想。不抱琵琶始識愁。

懷富山人

孟光相伴出函關。短褐犢車終未還。今說梁鴻誰得
識。空傳五噫滿人間。

理翁諸子見訪後寄詩為謝次韻聊答

屐聲忽厲輟鳴蛙。一日高軒揚子家。若問梅天近何
似。玄經寂寞燕泥斜。

懷富山人却寄

別來把釣武陵碕。看盡人間似奕碁。山裏芥柯已恙
否。桃花今日異昔時。

寄壻七郎山中

君自山中沮溺耕。棄官十歲一身輕。似聞不忘唔呷
日。猶爾插書牛角行。

姬人怨服散分韻笙字調子和

洞房中夜忽聞笙。乘月巧爲求鳳聲。不是仙家貪服
散。那教玉女似雙成。

送石叔潭游函嶺叔潭嘗館潮禪師

曾從支遁罷談玄。又似許詢行覓仙。此去應登函嶺

望。祇今紫氣屬誰邊。

送鳳泉赴寶珠首座

尊者辭吾大道傍。苦從衣裏覓相將。行行只去休回
首。已見寶珠懸上方。

秋日遊蓮光精舍得多字子遷壁上畫剡溪

祇林高會發清歌。才子丹青照薜蘿。知是山陰能借
色。郢中白雪座閒多。

東奧人覓詩

聞說仙臺十二樓。金華山色映波浮。題詩我欲隨青
鳥。看盡扶桑欲盡頭。

雪

閨苑梅花世所稀。分明一夜夢遊歸。因疑仙子將長
笛。吹落人間作雪飛。

謝次公惠海月

今日酒杯何限深。開緘遙照故人心。可知君下珊瑚
網。網得海中明月沈。

分題折楊柳雲字

都亭車馬客如雲。爭折柳楊將贈君。獨奈風吹飛絮
起。驪歌未闋已紛紛。

贈子和赴三河二首

東方千騎下關門。澤國江山雨後昏。杜若橋邊春草
色。知君駐轡問王孫。
艾城高宴陪使君。驛樹遙連豐沛分。歌罷大風還一
望。飛揚猶似昔時雲。

德夫叔潭子帥見韓客館中唱酬成卷各和其

一詩

依然銀漢烟清秋。一笑還應太白浮。不識支機君自
有。人間謾向海槎求。

右德夫

鬱勃雄懷黯不開。忽逢八月使槎來。知君病起廣陵

色堪試枚乘七發才。

右叔潭

蓬萊清淺尚無邊。鼉浪偏迷韓使船。忽被君持瑤草贈。始知此處日東天。

右子帥

子帥從韓客游後子遷寄詩壯之卒和其韻
一揮誤恐觸琅玕。醉誦君詩如意寒。伏櫪還羞千里志。不知帶笑傍人看。

爽鳩子方祇役三河不與韓客相值及還縱觀
東六群作頗有悵然之色是日和予寄奧人詩因用

其韻戲之

嗟君新罷賦登樓。日送韓槎海上浮。莫奈文思紛不定。金華山色又回頭。

鼎也母饋橘南紀人也南紀物也

南州嘉樹后嘗栽。生子欲如屈原本。迺以陸郎懷裏物。慙慙千里饋吾來。

次韻兩權允奇童

兩家九歲真英物。綵筆驚人白日寒。知爾它時玄菟塞。萬言慷慨倚銀鞍。

題錦鷄畫

憑將五彩賤家雞。似是鳳皇毛羽齊。縱使吾曹誇錦字。顧爾逡巡不易題。

奉謝豫侯惠牋

持贈春雲飄欲飛。晴窗淨几暫相依。爲君泚筆還堪惜。且載我詩何岫歸。

寄題琵琶湖

湖中春色映霏微。鴻雁連翩向北歸。一點君山天女廟。琵琶最是不勝悲。

謝琴鶴丹侯見枉草堂二首

君是前朝侍從班。雙旌尚引五雲間。恍然來借山

齋色。昔日鈞天夢忽還。

酌醴林火香未盡。歡鷗鷺偏敵朔風寒。悔緣草閣蕭條甚。一夜徒歌白雪看。

寄題江州城樓

一點君山破浪青。千帆如鳥接冥冥。知誰倚醉城樓上。能使雄心滿洞庭。

寄題竹生島

昔時帝女下江關。石鏡深窺借玉顏。試去琵琶湖上望。蛾眉髮髻似君山。

贈武子忠

君是峽中名將家。家傳寶劍拂霜華。祇緣清世深藏匣。夜夜南天紫氣賒。

贈松子潤

江南才子太早成。開口能為律呂聲。似是洞庭張樂地。年年曾學鳳凰鳴。

卽如僧正和予普門之作見寄併惠豐山茶因用原韻奉謝

心醉茫然歸路斜。歸家猶訝在君家。惠茶重試醍醐味。誦偈忽飛優鉢花。

超諸公子惠仙臺糲

仙臺公子玉爲餐。一篋遙分粒粒寒。酬以惡詩還不妨。聞君已作瓊瑤看。

喪女和答蓮光上人見慰

祇樹無心動梵音。解言底事入人深。請知慣灑鮫珠淚。珠盡今朝血滿襟。

遊蓮光寺席上作二首

謁來始覺有生勞。鐘磬泠泠對白毫。欲向祇林深處宿。不秋忽起半空濤。

愛靜何妨青竹密。避喧便覺白雲深。不論現在與過去。香篆還灰幾箇心。

麟上人十年前赴東奧請訪余護洲之上。晤言連日矣。是歲西遊長安。特過赤城。致富春山人書。相約比還再見臨也。八月十七日果尋前盟。出示其詩。則瀟洒出塵。迥異往年。嗟嘆久之。作三絕句贈之。蓋亦二致意云。

白河關口秋風吹。總訝道人歸去遲。但說赤城山下路。低回曾有地仙期。

道人詩骨已翩翩。恰好乘風萬里旋。身是金華山下住。儻逢昔日叱羊仙。

驚看洞庭秋色波。已知朔雪暗關河。但憐嚴子灘頭客。今日羊裘竟若何。

和卓上人見寄

携來妙偈秋含情。籬菊巖楓興轉清。病後難通濁醪理。坐教慧遠似淵明。

贈湖中二子二首

家臨湖水帝畿東。神女靚妝明鏡中。二十五絃風雨夜。知君伏枕泣孤蓬。

江雲橫秋雁影閒。憐爾讀書彭蠡灣。爲問山中臨石鏡。何人照得昔時顏。

寄潮上人

赤縣相者是幾年。不論東海作桑田。應知謫仙依舊謫。如今靈一却解禪。

寄黑君徽

扇頭蘭蕙色無渝。書畫風流誰得如。君自滄浪貪濯足。而今不憶武昌魚。

同數子遊思川流觴得流字

東風吹浪沒沙洲。洲上游人笑不休。櫻桃夾岸花如舞。散逐飛觴點點流。

送君上人之京 二首

處處春風黃鳥斜。驛亭垂柳映袈裟。洛陽此去花應

好。一路淹留知幾家。

苾荔好事本無倫。詩酒飄然行覓春。到日東山春縱盡。西山應有采薇人。

送管童子遊西京 二首

五十二驛莫言難。處處山川秋好看。明日先從函嶺望。如絲大道達長安。

揮鞭意氣愜秋涼。才子奉恩遊洛陽。但到西山紅葉好。錦衣相映早歸鄉。

走次南都兆上人寄示韻

何物諸天雲錦機。空中色相映霏微。縱然剪取能堪

贈不道人閒賞者稀。

贈高生

多病學詩詩已成。沈吟何妨喪雙明。且言徑寸珠無恙。論價還堪十五城。

奉和卽如尊者退院口號

忽聞退鼓破空濛。一鉢蕭然萬事終。猶憶名山京洛好。翩翩飛錫待東風。

和卓上人詩

蕭寺雪殘幽徑侵。相思欲問六時心。龕前日日香烟起。結作春陰不可尋。

謝田望之贈梅花畫

田郎留我梅花圖。掛壁曄如照座隅。知是屋梁落月色。故移疎影來相俱。

寄題豐王舊宅

絕海樓船震大明。寧知此地長柴荆。千山風雨時時惡。只作當年叱咤聲。

遊蓮光寺

清聽相看到日斜。酒酣忘是梵王家。援笙吹起秋風樂。忽報東籬欲發花。

舟中宴奉和守山世子見寄

平臺遙羨白雲秋。錦字翩然照碧流。偏似乘風聞鶴唳。一時舟裏共回頭。

送仲錫之常三首

平原一路惜熹微。匹馬迢迢客子衣。時自筑波山上望。應看鴻雁向南飛。

征鞍北指古常州。憐子辭親此宦游。縱說櫻川春轉好。風花看是白雲流。

聞說仙陂遶郭流。郡齋高倚海門秋。知君吟嘯月明夜。時見浮槎近斗牛。

長藩大修學校興禮樂。廣集墳籍爲海內倡。蓋

次公與有力焉。是歲藩侯在觀。次公從之。暇則往來如織。攻經講律。旁及衆藝。綢繆殊甚。及其歸也。作七絕句以餞之。若夫繾綣之情。悉之末篇焉乎爾。

聞說關西造頽宮。孟侯風化似文翁。三千弟子彬彬起。作賦誰如褒與雄。

歲事新修鐘呂懸。國風十二被朱絃。更知千載幽蘭譜。還向仲丘門下傳。

好文今羨漢河間。購得遺經壁裏還。太史著書君識否。深藏其副在名山。

次公治律勝申韓。自說覆盆寃最難。還謂刑名非聖意。孔家司寇魯秋官。

文學優游飽主恩。宦成幾歲從熊轡。東行贏得多休暇。日日絃歌在我門。

門下衆賓醉不譁。爲君擊筑舞僂僂。別筵度曲遙相送。一路秋風青海波。

錦帆西盡青蜓州。赤馬關高大海流。料識愁心秋不極。回頭東望月如鉤。

徂徠集卷之七

